



## मत्तयाल 8



इद जर्गुता मूडोव रोजुननाड गालिल राज्येमता काना इनना नाटे मरमिं मत्तां, आ मरमिने येसुना यावलगुडा मत्ता. मरमिंकु येसुन, ओना सिस्युल्कुनगुडा केय्सि मत्तुर.



मरमिने अंगुर पानकम मारतस्के, येसुना यावल, “ओरागटा अंगुर पानकम मारसोत्ता कोको,” इंचि येसुन इत्ता. पजा येसुना यावल अगा मत्ता जीतागाहकुन, “इर मीकु बतल वेहतोरो, मिमेट अदे कीम्दु,” इंचि इत्ता.



“आ पेरपुल्कुने एर निहाट,” इंचि येसु आ जीतागाहकुंक वेहतोर. अस्के ओर आ पेरपुल्क सीगा निडानाल निहातुर. अस्के येसु, “इंदके उंदि पेरपुनाल इच्चुर एर पीसि, ई कुळपु हियना पेद्दा मनकानगा ओम्टु,” इंचि आ जीतागाहकुंक वेहतोर, अस्के ओर ओतुर.



3

पजा आ पेद्दा मनकल एतुन गिचचो उंचि हूळतोर अय्ते, अद एर पुरागा अंगुर पानकम आसि मत्ता. येसु एतुन अंगुर पानकम कीतोरइद पानकम बोर तत्तोर, बगाटाल वाता इत्तद आ पेद्दा मनकंक तेळिया हिल्ले गानि आ जीतागाहकुंक मात्रम एर्का मत्ता.




4

पजा आ पेद्दा मनकल मरमिना पेडन केय्सि, “अंतोर अय्ते पिच्चर अंगुर पानकम मोट्टा मोदाला हींतुर. लोकुल्क पीरनिंडा उट्टारिल्ले, पज्जोटाल सप्पटा पानकम हींतुर. गानि निमे अय्ते पिच्चर अंगुर पानकम इदवेरदाकागुडा मिगलिच्चि इरतिन,” इंचि इत्तोर.



5

इल्हा येसु गालिल राज्येमता काना नाटे इचंत्रम आयना कबळ कीसि, ओना महिमातुन हुपिस्तोर. इद ओना मोट्टा मोदाटा चिन्ह आंद. अदुनहार्टी ओना सिस्सुल्क ओन नम्मुर.




6

पजा येसु पत्रुना लोन वातस्के ओना पोरड एळकि वासि मींडसि मत्तद हूळतोर.



7

येसु दाना कयदुन इत्ता इट्टुडे एळकि रेय्ता. अस्के अद तेदसि येसुना सेवा कियालय दल्गता.



8

पजा पोब्द होंचि,  
लोकुल्क बिमारते  
मत्तोर्कुन, देय्याल्क  
पीतोर्कुन अंटोर्कुन  
येसुनगा पीसि वातुर.  
पूरा सहरतोर येसु  
मत्ता लोता गलमातगा  
जमा आतुर.



9

येसु तीरतीरकुना बिमार्क मत्तोर वेल्लेटोर्कुन बेस कीतोर,  
देय्याल्क पीसि मत्ता वेल्लेटोर्कुना देय्याल्कुन पेचाहिच  
गेदुमतोर. अव ओन एरपाट कियुंदुं, अदुनहाटीं ओर अचुन  
वळ्का हिया हिल्लोर.




10

ओनागटाल पेनदा  
ताकत वासि ओर  
अंटोर्कुन बेस कियुंदुं,  
अदुनहाटीं आ मंदि  
अंता ओन इट्टालय  
हूळसेक मत्तुर.



11

अद वेलाते नालुर मनकालोर वरोर लकवा  
बिमारतोन पीसि येसुनगा वातुर.



12

गानि वेल्ले गर्दि मत्ताहाटीं ओर  
येसुनगा ओया पराहिल्लुर. अय्ते ओर  
लोतपोर्रो कटुल पियानच्यो बोंगा कीसि  
लकवा बिमारतोन येसुनगा  
रेहतुर. लकवा बिमारतोन लोता  
पोर्राटाल येसुनगा  
रेहमळ . . .



13

. . . येसु ओरा  
विस्वासमतुन  
हूळसि, आ लकवा  
बिमारतोन, “कोको,  
नीवा पापाल्क मापि  
आतां,” इंचि इत्तोर.  
“नना नीकु वेहासेके,  
तेदसि नीवा कटुल  
तेहकुंचि लोन होन,”  
इंचि इत्तोर.




14

पजा येसु डोंगाते एककुतंका ओना सिस्युल्क  
इंका ओना पज्जेन एककुतुर. अस्के  
समुद्रमते उंदि पेददा दुमारम  
वाता. आ दुमारम इच्चो  
पेददेद मत्ता गदा, एता  
तळाने डोंगा मुळगालय  
दलगता. गानि येसु मात्रम  
आ डोंगाते मीडसि  
मत्तोर.



15

अस्के, “अरे विस्वासम तक्को लोकरिटा, बारि वेरियंतिर?”  
इंचि येसु ओर्कुन इत्तोर. पजा तेदसि आ वळि-दुमारमतुन  
आनि समुद्रमतुन गदरिचतोर अय्ते अव सांत आतां.  
अद हूळसि सिस्युल्कुंक पेददा इंचत्रम  
आता. अस्के ओर, “अरे ईर बसोंटा  
मनकल रो, वळि,  
समुद्रमगुडा ईना पोल्ले  
केंजता!” इंचि इत्तुर.



16

पेन दुनियातोकुन इच्चोन पावरम कीता गदा,  
दाना वरोरे मरिनगुडा ई दुनियातोरार्हाटी  
हीता. ओन नम्मना हरेक मनकल नासडेम  
आयामन्नि गानि ओन्क बस्केळक  
पिस्सना पिस्वर दोर्कना इंचि  
अद अल्हा कीता.

40

60

17

रोम 3:23 बारित्ते अंतोर लोकुल्क पापम कीसि, पेनदाहेदाल  
दोर्कना कदरताल लक्कु आतुर.

रोम 6:23 पापि कबाहकुना कूलि इंचि मनाकु हामुर दोर्कता.  
गानि पेन मनाकु मना सामि येसु किरिस्तुनहेदाल वरम इंचि  
बस्केळक पिस्सना पिस्वर हीता.

इब्रि 9:27 बल्हा लोकुल्क अंतोर उंदि मल्का हासि दांतुर, पजा  
पेन ओरा न्यायम कीता, इंचि मुन्नेन निरनायम कीसि मंता,

इपीसि 2:8,9 पेन कुर्पा कीताहेकेन मिमेट किरिस्तुनपोरों  
विस्वासम कीतिर. मीवा विस्वासमतुन पीसि मीकु मुक्ति दोर्कता.  
इदंता मीवा कय्दाल जर्गतद आयो गानि पेन हीता वरम आंदु.

इद कबाहकुनाहेदाल दोर्कतद आयो, अदुनहाटी बोरे पोंगुडतनम  
वेहकुना मन्नि.

18

रोम 10:9,10 अद बल्हा इत्ते, नीवा पिस्वरते, येसुए नावा सामि  
इंचि निमे तोब्दाल ओप्फुचि, ‘ओन पेन हातोरव्टेटाल मर्रा जीवाते  
तेहता,’ इंचि निमे नीवा मनसुनाल विस्वासम कीते, पेन नीकु  
मुक्ति हीता.

बारित्ते मनम मनसुनाल विस्वासम कीतोम इंचि मनाकुन पेन  
नीतिमंतुल्क कीता. तोब्दाल ओप्फुक्तोम इंचि मनाकु पेन मुक्ति  
हीता.

योहान 3:16,17 पेन दुनियातोकुन इच्चोन पावरम कीता गदा,  
दाना वरोरे मरिनगुडा ई दुनियातोरार्हाटी हीता. ओन नम्मना हरेक  
मनकल नासडेम आयामन्नि गानि ओन्क बस्केळक पिस्सना  
पिस्वर दोर्कना इंचि अद अल्हा कीता.

पेन ई दुनियातोक सिक्सा हिया वेहालय, दाना मरिन ई बूमिपोरों  
लोहा हिल्ले, गानि दुनियातोकुन पिसागोटालय ओन लोहचीता.

19

1 योहान 5:11-13

पेन मनाकु बस्केळक पिस्सना पिस्वर हीता, ई पिस्वर दाना  
मरिनगा मंता. इदे पेनदा गवाइ आद.

बोरय्ते पेनदा मरिन स्विकार कींतोर, ओनाकु ई पिसवर दोर्कता  
गानि बोनगा अय्ते पेनदा मरि हिल्लोर, ओनगा ई पिसवर हिल्ले.

पेनदापोरों विस्वास इरानोरिता! बस्केळक पिस्सना पिस्वर मिहगा  
मंता. दीन मिमेटु एरपाट कीम्टु इंचि नना मीकु इव पोल्ले रासा  
मतन.

20

मत्तयाल 8-9; मरकुस 1-2, 4; लूकाल 4, 8; योहान 2

Storyline by: Edward D. Hughes

Illustrated by: Byron Unger, Lazarus  
and Alastair Paterson

Adapted by: E. Frischbutter; Sarah S.

Aheri Gondi Bible (esg) © 2022, Wycliffe Bible  
Translators, Inc. All rights reserved.

<https://www.bible.com/en-GB/bible/3417/MAT.1>

©2025 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)